



SAKSFRAMLEGG

Sakshandsamar: Jan Erik Boge	Arkivkode: FA-M82
Arkivsaksnr: 20/131	Løpenr: 20/7517
Sakstype: Politisk sak	

SAKSGANG

Styre, utval, komité m.m.	Møtedato	Saksnr
Formannskapet	03.09.2020	032/2020
Kommunestyret		

Branntankbil - Anbud og bestilling

03.09.2020 Formannskapet:

Handsaming i møtet:

Ordførar Knut Harald Frøland (BI) sette fram framlegg om å utsetja saka. Han bad òg om at administrasjonen til formannskapsmøtet i oktober legg fram ei grundigare saksutgreiing, med vurdering av eit alternativ med kjøp av brukt branntankbil.

Utsetjingsramlegget til Knut Harald Frøland vart samrøystes vedteke.

FORM- 032/2020 Vedtak:

Saka vert utsett.

Rådmannen sitt framlegg til vedtak:

Samnanger kommune bestiller ny branntankbil i løpet av 2020 i samarbeid med Bergen brannvesen, jf KS-vedtak sak 96/19.

Midlar til kjøpet vert lagt inn i investeringsbudsjettet for 2021. Utgangspunktet for budsjetteringa er at fylkeskommunen vil dekkja om lag 1 million kroner av den samla kostnaden på om lag 3,5 millionar kroner. Dersom fylkeskommunen ikkje dekkar ein slik del av kostnaden, må kommunestyret gje nødvendig tilleggsføring i 2021.

Dokument som er vedlagt:

Kopi av kommunestyrevedtak saknr. 096-2019 Budsjett og økonomiplan 2020-2023

Kva saka gjeld:

Samnanger kommune er i samarbeid med Bergen brannvesen klar med å legge ut kjøp av ny branntankbil på anbud.

Bakgrunn for saka:

Samnanger kommune vedtok i økonomiplanen (sak 96/2019) for 2021 å setja av 3,5 millionar kroner ekskl. mva til innkjøp av ny branntankbil.

Kommunestyret vedtok i same sak:« Bestilling av brannbil må gjerast i 2020, då det er eit års leveringstid.»

Nedanfor viser utdrag frå investeringsbudsjettet 2020-2023.

KS vedtak 96/2019 Investeringstiltak					
Tiltak	029: 4102.3390 Brannbil				
Beskrivelse	SK har årleg store problem med branntankbil, som medfører store årlege utgifter til vedlikehald. Branntankbil er køyrt over 400.000 km. Dei siste åra har behov for reperasjonar auka i omfang. Egenes Brannteknikk har oppgitt pris på ny branntankbil med vanntank 8 m3, med kupe for mannskap og inkl. nødvendig utstyr til ca. 3.500.000,- ekskl. mva. Det er lang leveringstid på brannbil og den vil tidlegast vere på plass i 2021. Då går og avtala med vegvesenet ut og det vil vera mogeleg å søke om tilskot til bilen. Vi bør forvente eit tilskot på rundt 1 million for å oppretthalde beredskapen i Tyssetunnelen.				
	2020	2021	2022	2023	
0.2100.3390.700000 Leige/leasing	0	3 500 000	0	0	0
transportmidler					
0.4290.3390.700000 Betalt mva	0	875 000	0	0	0
0.8100.3390.700000 Andre statlige overføringer	0	-1 000 000	0	0	0
0.7290.8410.700000 Refusjon mva	0	-875 000	0	0	0
	2020	2021	2022	2023	Totalt
Sum investeringer	0	4 375 000	0	0	4 375 000
Sum tilskudd	0	-1 000 000	0	0	-1 000 000
Sum annet	0	-875 000	0	0	-875 000
Netto finansiering nye tiltak	0	2 500 000	0	0	2 500 000
SUM NETTO DRIFTSKONSEKVENSER	0	0	0	0	0

Vurderingar og konsekvensar:

Den gamle branntankbilen «Dansjen» er utfasa og seld i sommar på auksjon til Slovenia for 150.000 kroner. Denne inntekta kan verte nytta til kostnad med anbod, men ikkje til leige av branntankbil. Samnanger kommune har fått leige branntankbil (5.600 kr. pr mnd) frå Bergen brannvesen fram til sommaren 2021. Det er ikkje høve til å forlenge leigekontrakten i og med bilen då skal tilbake til Bergen brannvesen.

Kommunen er i samarbeid med Bergen brannvesen no klar til å bestille ny branntankbil. Både Vaksdal, Kvam og Ullensvang skal og kjøpe lik ny branntankbil. Bergen brannvesen ser det som ein klar fordel å kunne få ut eit felles anbod så snart som mogleg dersom kommunen skal få klar og levert ein branntankbil til neste sommar.

Statens vegvesen/fylkeskommunen kan ikkje gje lovnad på eventuelt tilskot til kommunar som er pålagt branntankbil i samband med tunnelberedskap. Avtalen Samnanger har om tilskot til den gamle bilen til tunnelberedskap, går ut i 2021. Bergen brannvesen jobbar no opp mot fylkeskommunen om tilskot til både Samnanger og andre kommunar i Vest brann og redning. Vi vonar at tilskotet vil vera avklart i løpet av 2021.

Midlar til kjøpet vert no foreslått lagt inn i investeringsbudsjettet for 2021. Som utgangspunkt forventar me som nemnt ovanfor eit tilskot frå fylkeskommunen på 1 million kroner, men det må takast høgd for at det ikkje er sikkert at kommunen vil få dette tilskotet. Samnanger kommune bestiller ny branntankbil no i 2020 i samarbeid med Bergen brannvesen, jf KS-vedtak sak 96/19.

Kopi av saksutgreiing og vedtak i formannskapet 03.09.2020

KS- 096/2019 Vedtak:

Formannskapet sitt framlegg til budsjett 2020 og økonomiplan 2020-2023 vert vedteke slik det ligg føre med vedlegg Bevilgningsoversikt drift og investering (tidlegare budsjettsskjema 1A, 2A) , hovudoversikt drift, hovudoversikt investering, netto driftsutgifter og detaljar investering, med følgjande endringar vedtekne av kommunestyret:

1. *Kommunestyret vedtek å setja i gong ei utgreiing av høve til å oppretta faste vikarstillingar i dei kommunale einingane for barnehage, skule og pleie og omsorg.*
2. *Eigedomsskatten for bustader og fritidseigedomar vert sett til 2,8 promille, i tråd med rådmannen sitt opprinnelege framlegg. Botnfrådraget vert sett til 30 000 kroner.*
3. *Samnanger kommunestyre er glade for at kommunen no er medlem av Klimapartner, og at det gjennom dette medlemskapet også vil vera mogleg å leggja fram ein klimarekneskap frå 2020 av. Kommunestyret understrekar at klimarekneskapen også må følgjast opp med klimabudsjett i samband med budsjetthandsaminga av budsjett for 2021.*
4. *Administrasjonen legg fram sak om gratis skulemat på Samnanger ungdomsskule i første ordinære kommunestyremøte i 2020. Kostnadsramma for tiltaket er 100 000 kroner.*
5. *Uavhengig av framtidig løysing for plassering av kommuneadministrasjonen, vil kommunehuset på Tysse enno i lang tid fungera som eit offentleg bygg. Huset oppfyller ikkje krav til universell utforming, og administrasjonen blir difor pålagt å fremja ei sak i første halvår 2020 med framlegg til montering av heis eller tilsvarande slik at krav i lov om universell utforming blir stetta.*
6. *Me vil få ei redusert inntekt på ca 500 000 kroner knytta til Statnett 2 dommen. I forbindelse med digitaliseringsarbeidet saman med IKTNH vil me få auka kostnad på ca. 600 000 kroner. Det vert finansiert med følgjande innsparingar:*
 - *Barnehagen 100 000 kroner.*
 - *Skulane 300 000 kroner.*
 - *Pleie og omsorg 400 000 kroner.*
 - *Helse 100 000 kroner.*
 - *Samfunnsutvikling 200 000 kroner.*
7. *Nøkkeltal i økonomiplanperioden:*
 - *Korrigerte nettodriftsresultat i % av driftsinntekter, mål 1,75 %.*
 - *Lånegjeld skal ikkje overstige 240 000 000 kroner.*
 - *Disposisjonsfondet skal ligge på ca 15 000 000 kroner.*
8. *Det skal gjennomførast ei ekstern tilstandsvurdering av ungdomsskulen og kommunehuset. Kostnadsramme 30 000 kroner som skal finansierast av disposisjonsfondet.*

Oversikt over endring som vart gjort av formannskapet 14.11.2019 (i formannskapssak 052/2019) i forhold til rådmannen sitt framlegg, og som ligg til grunn òg for kommunestyret sitt vedtak:

- *Avsetnad til disposisjonsfondet vert redusert med 100 000 kroner. 100 000 kroner vert sett av på berekraftfondet.*

Det vert tatt opp eit lån på kr 14,5 millionar i 2020 til finansieringa av vatn og avløp. Lånet skal betalast ned over 40 år og ha eit avdragsfritt år.

Kommunen betaler i dag meir i avdrag på lån enn det som det er krav om. Utrekning viser at betaling av avdrag kan reduserast med 1 000 000 kroner i 2020.

Bestilling av ny brannbil må gjerast i 2020, då det er eitt års leveringstid.

Eigedomsskatt

I medhald av eigedomsskattelova (Esktl) §§ 2 og 3 skal fylgjande utskrivingsalternativ nyttast for skatteåret 2020: Det vert skrive ut eigedomsskatt på faste eigedomar i heile kommunen jf. § 3 bokstav a. Den generelle skattesatsen som skal gjelda for dei skattepliktige eigedomane vert sett til 7 promille. I medhald av esktl § 12 bokstav a vert satsane differensiert ved at den satsen som skal gjelda for bustader og fritidseigedomar vert sett til 2,8 promille.

For bustaddelen av egedomen (gjeld og fritidseigedom) vert det gitt eit botnfrådrag på kr 30 000 av takstverdi. Botnfrådraget vert gitt for alle sjølvstendige bustaddelar. Botnfrådrag vert ikkje gitt når egedomen vert nytta til næringsverksemd.

Det vert skrive ut egedomsskatt på eit særskilt skattegrunnlag som følgje av at produksjonsutstyr og –installasjonar ikkje skal takast med i takstgrunnlaget når dei tidlegare verk og bruk skal takserast og reknast som næringseigedom frå og med 2019, jf. overgangsreglane til esktl. §§ 3 og 4 første ledd. Det særskilte skattegrunnlaget skal i 2020 vere lik 5/7 av differansen mellom egedomsskattegrunnlaget i 2018 og 2019 som er forårsaka av nye verdsettingsreglar og at produksjonsutstyr- og installasjonar ikkje skal reknast med i grunnlaget for verk og bruk som frå og med 2019 vert ansett som næringseigedom. Skattesatsen på det særskilte skattegrunnlaget skal være 7 promille.

I medhald av esktl. § 7 bokstav a vert det gitt fritak til stiftingar eller institusjonar som har som formål å gagna kommunen, fylket eller staten. Unnateke er kommersielle stiftingar/institusjonar. Fritaket vil gjelda forsamlingshus, bedehus, turisthytter og liknande. Fritak kan og vurderast på grunnlag av søknad.

I medhald av esktl. § 7 bokstav b vert det gitt fritak for bygningar som har historisk verdi med 100 prosent. Fritak kan og vurderast på grunnlag av søknad. Det er eit krav at bygget har bevart sin opphavlege arkitektoniske stil og at det ikkje vert brukt til forretningsverksemd.

I medhald av egedomsskatteleva § 7 bokstav c vert det gitt fritak for nybygde bustadeigedomar (gjeld ikkje fritidseigedomar) i 1 år, eller til kommunestyret endrar eller opphevar fritaket. Fritaket gjeld bygg der det vert starta bygging i 2019 eller seinare. Formannskapet får fullmakt til å avgjera einskildsaker om skattefritak.

Kommunestyret har vedtatt å bruka formuesgrunnlag frå skatteetaten for utskriving av egedomsskatt på bustadhus, jf esktl. § 8C-1. Bustadhus og hytter utan formuesgrunnlag vert takserte. Det same gjeld næringsverksemd, tomtar mm. Ved taksering og utskriving av egedomsskatt nyttar kommunen dei til ei kvar tid gjeldande skattevedtekter.

Egedomsskatten skal betalast i 4. terminar.

Andre vedtak som påverkar budsjett og økonomiplan 2020 – 2023